

## 1º Intervención

Bos días:

Logo dun traballo minucioso, como é esixible no documento que se trae ao Pleno da Corporación, presento, como é a miña obrigación legal, os orzamentos municipais para 2021, que me atrevo a cualificar de **SERIOS, RIGUROSOS E AMBICIOSOS**, e cuxo desenvolvemento dotará a Catoira de más e mellores servizos para desfrute da súa veciñanza.

Os orzamentos, ademais, son más que nunca necesarios, tendo en conta o grave momento que estamos a pasar por mor da pandemia, e contribuirán a dinamizar a economía do municipio e o mercado de traballo, se somos capaces de xestionar todos os investimentos que se recollen neles.

Hai uns meses entregouse un borrador dos orzamentos aos voceiros para que achegaran as súas propostas, como así fixo o grupo municipal do PP, ao que agradezo sinxelamente as súa aportacións, pero non podo dicir o mesmo do grupo municipal do BNG, que non contribuíu en nada á súa redacción.

Os orzamentos recollen moitas transferencias e subvencións doutras administracións para executar obras e servizos municipais, polo que será necesario xestionar e negociar cada unha delas con interese e ilusión, en aras ao cumprimento dos principios de colaboración e cooperación que rexen na relación entre as distintas administracións, polo que invito formalmente aos grupos municipais para que traballen conxuntamente co grupo de goberno para a consecución destes fins, na seguridade de que será más doados acadalos se o esforzo e común e compartido.

Xa que logo os grupos municipais tiveron a ocasión de examinar toda a documentación orzamentaria, -mesmo se lle remitiu por correo electrónico ao voceiro do grupo municipal do BNG-, así como a Memoria explicativa da Alcaldía, Informes, Bases de Execución e Relación de Postos de Traballo, esta Alcaldía invita

aos voceiros a que interveñan nesta sesión plenaria para explicar a súa postura neste debate tan importante para Catoira.



## **RESPOSTA Á INTERVENCIÓN DOS VOCEIROS**

Parece que o problema máis grave que teñen os orzamentos e que impide que o BNG (e algúns membros do goberno municipal) voten a favor deles, é a posibilidade contemplada nas Bases de Execución de que cada grupo municipal teña un membro con dedicación exclusiva a tempo parcial, e digo "**“posibilidade”**" porque non é obligatorio acollerse a esta norma que, como todo o mundo coñece, existe en toda a administración local, concellos e deputacións, onde non só os membros do goberno teñen dereito a prazas con dedicación exclusiva, se non tamén, e por aplicación do principio de proporcionalidade e do espírito democrático, os membros da oposición.

Esta medida, como digo "**“proporcional e democrática”**", despréndese da propia lexislación de réxime local, así que non está de más lembrar o que di o artigo 28 do Real Decreto 2568/1986, do 27 de novembro, polo que se aproba o Regulamento de Organización, Funcionamento e Réxime Xurídico das Entidades Locais:

*"Na medida das posibilidades funcionais da organización administrativa da entidade local, os diversos grupos políticos dispoñerán na sede da mesma dun despacho ou local para reunirse de maneira independente e recibir visitas de cidadáns, e o Presidente ou o membro da Corporación responsable da área de réxime interior poñerá á súa disposición unha infraestrutura mínima de medios materiais e persoais."*

Ademais, redundando no anterior, cabe traer a colación que xa en data 15 de decembro de 2009, a Comisión Executiva da Federación Española de Municipios e Provincias (FEMP) aprobou por unanimidade de todos os grupos políticos integrantes da mesma, o **Código do Bo Goberno Local**, que recolle os principios de transparencia e ética pública, xunto a medidas para mellorar a xestión e calidade da democracia local.

O texto do devandito **Código do Bo Goberno Local** viña indicar, entre outras cuestións, o seguinte:

*"Os diversos Grupos Políticos dispoñerán en dependencias municipais dun despacho ou local para reunirse e recibir visitas, poñendo o Alcalde/ sa á súa disposición **os medios materiais e humanos** que permita o Orzamento."*

Respecto deste dereito, a **xurisprudencia do Tribunal Supremo** tivo ocasión de pronunciarse en reiteradas ocasións, e para mostra a súa sentenza do **11 de xuño de 1990** pola que se **condena a un concello** a facilitar a un grupo político un local e determinados **medios materiais e persoais**, por non resultar imposible para as posibilidades municipais o atender ás citadas peticións.

Ou sexa, que como sodes más papistas que o Papa, o que a lei establece, o Código do Bo Goberno Local da FEMP recolle e a xurisprudencia do Tribunal Supremo esixe, non serve para nada, non existe, é papel mollado. Ides pola autopista en sentido contrario e berrádelles aos que veñen circulando conforme ás normas. ¡Vivir para ver!

Polo demais, este concello non pode permitirse economicamente ter persoal administrativo e asesor para os grupos municipais, pero en compensación, sí pode ter tres membros da Corporación liberados a tempo parcial, primeiro, porque a o artigo 75 ter, letra d), da Lei 7/1985, de Bases de Réxime Local o autoriza, incluso a tempo total, e segundo, porque esta Alcaldía non desenvolve o seu posto en réxime de dedicación exclusiva, como fixo o voceiro do BNG, así que cos mesmos cartos, e sen un euro máis de custe, o grupos municipais poden ter, se o desexan, un membro liberado, de acordo cos dereitos que lles concede a lexislación vixente e recoñece a xurisprudencia.

Por último, se alguén aquí debería avergoñarse, tería que ser o voceiro do BNG, que non sabe o que é a vergoña, pois el sí chegou á Alcaldía cos votos do PP e non sabemos a cambio de qué

compromisos adquiridos dos que non cumpliu ningún, e tamén cobrou un bo salario con eses votos, salario que non bastou para que fixese algo meritorio en beneficio de Catoira e a súa veciñanza.

E como xa chegou de debate, procedemos á votación.

